

spie in luogi di far gran danno, per via di mar, senza periculo, ma resta per non disturbar; pur si venerano a corer, *etiam* lui farà una coraria con danno di l' inimico. *Item, post scripta*, che si se lassa venir quel Mathias de Sich de lì, tuti acordi fati tra polizani non durerà una hora; e saria bon tenirlo fuora per molli respeti e per segurtà di Poliza.

Dil dito, di 22. Come la notte passata, per spie e garde, intese aver scoperto l' hoste di sanzachi, da 250 in 300 cavali, i quali scorseno in zoso verso el conta' di Sibinico. Ozi par i siano tornati indriedo, et habiano fato gran butin di anime et animali, come dal conte di Sibinico si saperà.

Da Cataro, vidi una letera particular, di sier Sabastian Contarini, provedador, di 20 zener. Con il levar di le offese fate per quel sanzacho, qual sarà notado qui sotto.

Copia del salvo condotto fatto per el sanzacho de Bosina al magnifico provedador di Cataro.

Da parte de Mechemech bego, signor del paese de Charzego, fazo ad intender a li mij vayvodi et ad altri servidori, *etiam* a dasdaro de Castel Novo et de Risano, et al capetanio et a tutti i citadini de Castel Novo et de Risano, et *etiam* a ogni homo piccolo e grandò, come havemo fato amor e fede con nostro amorevel amico, nobel provedador de Catharo, se per alguno respecto questa guerra havesse partito de le stanzie sue, e in questa guerra havesse fato qualche homicidio o ver altro inconveniente, che liberamente possa chadauno a le stanzie sue possa star, che non se dubita, nè da turchò nè da christian, nè de alguna altra condition de homeni; e cussi comandamo, da parte nostra, a tutti homeni, che nisuno non debia impedir alcun homo de Catharo, *nec etiam* haver suo; e chi volesse contrastar questo nostro comandamento o ver periorar tal homo, faria contra l' hordene mio, et in quel caso peccado sopra la anima sua; et per questo havemo fatto 353 nostro comandamento e fele presente scrittura; e se qualcheuno vol vegnir per terra o per mare, che liberamente i possa vegnir et aver, et habiano fede in ogni modo, che d' alguno non serano offesi, e che possano lavorar le sue possession e far li fati sui.

Scrita a di 17 zener in Castel Novo.

Copia de una letera scritta per il re di Portogallo a la Signoria per cosse private.

Illustri ac potenti Lionardo Gardenio (*sic*) principi, et reipublice Venetiarum, amicis nostris carissi-

mis, Emanuel, Dei gratia rex Portugalliae et Algarbiorum, citra et ultra mare, in Africa, dominusque Guineae, conquestae navigationis et commercii, Aethiopiae, Arabiae, Persiae et Indiae salutem, prosperitatem.

Solent litigantes in dubiis contentionibus amicorum commendationibus favorabilibus et citius expediri; igitur cum in vestra inclyta civitate quidam familiaris noster Johannes Stam, harum bajulus, cum quodam cive vestro contendat essetque nobis cordi, ut celeriter cum sua justitia et favore, quo plurimum egent alienigenae, expediretur, idcirco pro mutua nostra benivolentia, vos ex animo rogamus, velitis jubere, ut eidem familiari nostro fiat quam primum, ut par est, plenum examen justitiae. Hoc enim quam gratissimum existimabimus, praestaturi rebus et commendationibus vestris parem amoris et humanitatis affectum.

Ulyssiponi, XXIX die mensis augusti, anno domini M.º 502.

EL REY.

A tergo: Illustri ac potenti principi Lionardo Gardenio (*sic*), et reipublice Venetiarum amicis nostris carissimis.

A di 9 marzo. In collegio. Vene l' orator di 353* Ferara, per la expedition di la cossa di Pandin; rimesso udir sier Hironimo Querini.

Veneno li governadori di l' intrade, et expedieno alcuni altri capitoli per il dazio dil legname; et balotati, fo presi.

Vene sier Francesco Orio, dicendo aver letere di sier Marco Orio, suo fradelo, è prexon al turchò, prega li sia dato dueati 150, a conto dil suo credito; et cussi, senza altro mandato, fo balotà e preso.

Di sier Marco Antonio Contarini, capetanio al colfo, date in galia, a bocha di Cataro, a di 9 fevrer. Come à posto in terra ivi Zuan Batista Sereni, con le letere va a Constantinopoli, et si parte per meter l' altro, Giacomo di Coyra, a la Valona etc. Et el dito Zuan Batista scrisse a sier Andrea Griti, qual fo leta, come à trovato il schiavo dil signor, et spera a di 20 esser a Constantinopoli.

Da Cataro, di sier Sabastian Contarini, retor e provedador, più letere, di primo, 3, 7 et 9. Il sumario di le qual scriverò poi; e con alcune letere dil sanzacho etc., *ut in eis*, per consultar il trar di salli. *Item*, per una altra, come à dato licentia a Zanon da Colorgno, qual vien qui, et è zonto, e lo lauda assai, et era capetanio di le fantarie. *Item*, per una altra mandò il conto di l' intra'.